

程

凝香集

卷之二

宦隱子

祥裔耦漁氏著

訴衷情

無題

雲情滿眼酒情酣醉也索人憐金鳳
彈翠鬟偏紅玉軟於綿
神思何事頓厭厭只思眠
夜淡更是風成陣不知寒

卜算子

立秋

一夜落荷風帶下梧桐葉簾捲西山爽氣新香粉
消蝴蝶纔始見秋來便有銷魂色若到秋深蕭
索時魂自銷應絕

咏菱花鏡

一樣照愁顏不肯將愁諱印得菱花波面寒沒點
團團意空惹玉樓人翻印生憔悴印印樹頭不
見圓落盡相思淚

咏桂

金粟賣香風風解憐香否月瘦天高蟾魄寒佳樹

憑誰守舉瓊問嫦娥長嘯頻搔首謾道探花月
殿難仗有偷花手

其二

如剪惱西風吹得天花落小樹叢叢大道邊箇箇
爭攀折更是牧手兒解作探花客插髮歸來簞
笠香花命何輕薄

灌花

有意惜花香無計將花救且汲清泉自灌花水濺
羅衣袖幾夜雨雲稀便覺花枝瘦欲替花神罵

雨神錯把檀郎咒

見新月

簾影欲篩花。簾捲花無恙。小倚闌干。立晚風人與
花惆悵。新月掛相思。多在鈎兒上。人道彎彎月
似睂。月不似愁睂樣。

渡江

水拍碧天。春烟帶青山。雨點點。船兒一葉輕載過
愁人去。回首不堪看。都是相思樹。私囑舟人。今
莫眠。恐有歸魂渡。

咏薔薇

香黏粉。蝶鬚紅。染遊蜂口。窗外盈盈一架春。釀透
芳心否。占斷好時光。肯落東風後。小刺渾身護
玉肌。恐有偷花手。

旅况

天生朝暮雲。盡鎖相思樹。窗裏人愁。睂自攢。窗外
千峰雨。江水日東流。未辨歸何處。夜夜雖教夢
近家。當不得真歸去。

春雪

春雪著桃花花上春寒嫩粉隱胭脂淡淡勻笑靨
羞紅暈疎樹抱昏烟隔水孤村近一幅溪山簇
畫圖解釋人愁恨

九日折菊插膽瓶

客裏又重陽採菊香盈袖膽樣瓶兒一點秋案上
供僂憊寂莫對愁人人更難消受窗外西風幾
陣吹秋與花俱瘦

巫山一段雲

梳頭

鸞影芙蓉鏡龍紋玳瑁梳高妝宮髻倩郎扶擾擾
綠雲鋪鈿穿珠絡索粉膩玉流酥相思莫說瘦
何如鬢髮也蕭疎

中秋有感

卅是年時卅愁成今夜愁凄凉官舍鎖清秋一半
頓然休烟影桐花暗風聲蕉葉畱幾番漏下麗
譙樓猶坐數更籌

寒夜

蟾魄寒逾白銀河凍不流朦朧烟影鎖官樓獨坐

夜悠悠 樽盡新賒酒衣添舊敝裘
敗蕉何必響 颼颼羈客已先愁

閨情

竹拂霜痕碧梅團烟影香
一天寒日射晴窗呵手
弄新粧 鏡裏潛窺淚
心頭暗憶郎如他裙上繡
鴛鴦何事一雙雙

咏水仙

露沁香魂濕霜凝玉骨
寒泣珠鮫室小嬋娟何事
謫人間 宴處黃金釵
擎來白玉盤芳心不肯讓

梅先占住欲殘年

石灘關

守寺存泥像橫江礙石梁
一篙無力費周詳竹纜
弔船忙 岸陡山如削
灘高水更狂波心人影亂
斜陽客恨逐波長

醜奴兒

對月憶內

蕭條茅店淒涼夜
月自團圓人自孤單
薄酒如何敵得寒
稜稜衾鐵難消受
卿更無眠我更堪憐

一。樣。相。思。兩。地。看。

夜景

珠簾捲盡朦朧月。花影雲篩雲影。花篩鳳影。斜衝
烟影開。為貪夜色遲眠處。戍鼓頻催。戍角頻催
猶倚佳人酒一杯。

贈八十五上人果菴

行藏到處耽山水。身住塵窩。心住雲窩。八十餘年
避世何。空門不染空門相。酒肉頭陀。詩字頭陀。
叅諦何嘗問阿那。

丙子元旦立春

春酒春牛爭令節。今日新春。方是新春。風斷迎春
花信魂。一箇愁人。一夜隔。昨歲愁人。今歲愁人。
新舊閑愁。裹滿身。

夜景

秋雲真箇春羅薄。漏月朦朧。漏雨濛濛。做出新寒
子夜濃。不眠坐聽芭蕉外。如怨。如哀。鴻如訴。哀蛩
叫。起鄉心。幾萬重。

咏鏡中牡丹

名花偷向菱花照。鏡外春風。鏡裏春風。自與端詳
審淡濃。水晶屏障佳人面。印入花容。印出花容。
春色無邊。一兩重。

其二

花魂鏡影嬌相對。花弄春輝。鏡弄清輝。宜稱先從
鏡裏窺。欲問花容誰得似。除我丰儀。除你丰儀。
此外如何復一枝。

其三

菱花省釋東風面。香浸光寒。光浸香寒。一朵花從

兩下看。無雙國色成雙也。這壁紅妍。那壁紅妍。
畢竟春光在那邊。

其四

春光幾欲描花影。月下模糊。燈下模糊。鏡裏今朝
識玉膚。誰教自把春容寫。色相真如。色相空如。
勝殺春風入畫圖。

偶興

東君自是無情者。說別匆匆。說別匆匆。撇得鶯癡
燕子慵。東君仍是多情者。來歲相逢。來歲相逢。

切莫輕將春放空

減字木蘭花

聞燕

春愁無限都教付與新來燕
兩兩雙雙銜得香泥
上畫梁
怕春歸早
茫茫到處尋芳草
見我多情
銜了花來說一聲

遊絲

東風嬌軟吹來簾外無拘管
蕩蕩飄飄幾欲沾泥
又漸高
輕盈如許弱質不勝烟
共雨絆住花枝

也要畱春住幾時

秋感

西風來矣新病佳人嬌不起
宿草殘花一夜堦前
瘦了些
珠簾不捲細雨濛濛寒尚淺
幾許閑愁
滿院梧桐滿院秋

晚泊聞鐘

綠波春水孤舟小
泊青山嘴日暮疎鐘竹裏紅牆
古梵宮
謾言作宦飄零江上
今成倦不及山僧
穩坐蒲團少送迎

新晴

江頭江尾秋色連天天貼水久雨新晴簾捲樓窗
者意凭 萋萋衰草目斷短長亭外道鴈過寒蘆
帶得家園書也無

所見

殘寒逗煖春動了梅心柳眼牆外秋千挂起東風
正月天 踏青挑菜猶有當年風俗在圍帽長裙
馬上盈盈斷客魂

春曉

鶯兒夢醒殘月半規扶柳影曉入窗紗牆外聲聲
賣杏花 眼慵如醉應是夜來失却睡猶帶鴛衾
不許春寒欲著人

偶成

疎疎雨點草色侵簾溼翠淺雨點疎疎響過花梢
聲漸無 新涼如水戰退火龍三十里小睡亭中
枕上風清午夢濃

春風何處

春風何處草滿空庭花滿樹小弄書聲偷被花香

惹出亭。鶯喉初度宛轉嬌啼如欲助謾道官卑
贏得清閑少是非

其二

春風何處蛺蝶飛來飛又去門掩梨雲好夢來勾
午睡人惺忪倦眼花影簾櫳和日轉半枕花香
殢在佳人繡榻傍

偶興

孤亭小小樹色花香闌外繞小小孤亭一榻琴書
伴臥醒青青簾外雨過遠山渾似黛簾外青青

芳草無塵眼界清

晚眺和內人韻

樓頭徙倚天色雨餘清似水新翠怡人黛面遙山
不惹雲微風揚暖烟出茶鐺籠竹淺疎樹陰中
鴉背斜陽箇箇紅

紀夢

壓床愁重愁到相思方有夢夢到溫存恨被更聲
打斷魂擁衾垂淚淚盡曹騰還去睡夢也癡心
夢又來尋夢裏人

好事近

春寒

花柳做春愁弄出一天風雨欲問閑庭芳信試春
衣未許怯寒人尚倚薰籠小病渾無語窗外鶯
兒啼處向誰家飛去

兩地相思

前三句長相思後二句相思引後段同

偶感

風也囉雨也囉雨雨風風可奈何孤燈短劍瘦影
伴愁魔住也波去也波去住而今計怎麼鷓鴣

聲裏行不得哥哥

謁金門

春遊

風力足吹透一城紅綠柳外旗亭花外屋鳥聲相
斷續山色弄晴如沐畫出江天一幅小坐肩輿
香錦簇豔陽偷送目

秋思

西風驟吹得柳絲消瘦黃菊丹楓都染就多是愁
時候初試夾衣寒透倚檻愁挨清畫鴈字遙天

情已逗故國荒烟覆

初春

人意懶春與佷寒送暖庭院深深花事淺林外鶯
初囀 天使晴絲醉軟不把離愁拘管閑倚闌干
簾半捲斜陽芳草遠

憶秦娥

佳人

新睡起紅潮漲臉凝秋水凝秋水碧紗窗下珍珠
簾底 看花惆悵春如綺香愁粉怨都緣此都緣

此雲山萬疊寸心千里

春晚

鶯聲碎綠楊如夢花如醉花如醉半風半雨釀成
憔悴 相思未到眉先會多情人受多情累多情
累枝頭梅子一般滋味

清平樂

秋莫

西風何驟吹得黃花瘦秋色一庭新冷透又是重
陽時候 年年客裏銷魂青衫溼盡啼痕天外數

行歸鴈聲聲叫破黃昏

雪意

江天漠漠尚覺重裘薄窗外梅花開小萼又被濃
寒輕勒空堦竚立黃昏袖爐銀葉香溫勾引灞
橋詩思明朝驢背荒邨

春詞

春陰倜傥拘束春燈瘦窗外春山烟影覆風漾春
波欲皺去春無分看花今春依舊天涯斷送殺
人春夢春宵不得還家

燈花

燈凝寒魄結作相思萼窗掩碧紗風拍拍無計不
教零落玉關消息微茫香閨賺斷人腸惟是畫
簷鵲喜同伊短倖輕狂

雨夜

離情遮莫燈暈風寒拍釀作雨聲和淚落不許愁
人睡著今宵斷送相思生拚聽數更催免使人
來夢裏省教泥沈鞦兒

送春

榆錢無數撒滿長亭路買得愁來驅不去不買東
君少住 鶯兒啼老殘紅鵲兒泣斷輕風無那綠
窗人病梨花門掩重重

秋夜

秋宵情况絲雨春寒釀一覺醒來愁半晌多在芭
蕉葉上 荒城笳遠聲酸官樓鼓潤聲殘最是無
憑鴈字飛來未寫平安

立秋

西風來矣和恨都吹起香謝藕花紅欲死依舊歸

期如此 縱畱些子炎光能消多少新涼一夜漸
長一夜從今夢也應長

洛陽春

曉行

枕上鄰雞聲送破離人夢夜來幾陣北風吹就把
門前溪凍 曙色半林初弄湧教寒重一路霜痕
印馬蹄知是駝愁不動

誤佳期

風情

今夜新涼輕送烟影疎疎風動心香印罷貼花行
月淡花陰重不敢惹花枝恐醒鸚哥夢綠茵鋪
處爲憐人枕損釵頭鳳

無題

風颺柳絲一捻雲蹙眉峰兩葉弄環年紀破瓜初
珍重生嬌怯小病不關春多事遭蝴蝶探花抵
死未輕休惹落薔薇血

琴調相思引

初晴

久雨初收冷漸開捲簾秋色裏人來芙蓉花下消
遣坐銜杯酒入愁腸成易醉醉中愁更沒安排
斜陽影裏歸鴈一聲哀

晚浴

腰瘦衣輕怯六銖粉融汗滑膩紅珠蘭湯偷試靜
掩碧紗櫺半晌弄香還掬水一回搓玉更團酥
晚涼浴罷冰簟宿金鋪

風情

門掩黃昏小院幽眼期眉語許潛遊循階躡足未

敢印如鈎。草色綠粘香。蔽膝花枝低礙玉搔頭。
多情明月應不禁。嬌羞。

漫興

煖日輕風晝乍長。捲簾春色入晴窗。嬌鶯小燕兩
兩鬪笙簧。垂柳低侵書葉綠。飛花落綴硯池香。
坐來無事眼界倍清涼。

雨中

風弄輕柔柳線斜。烟垂幕歷碧天賒。困人無那閑
自撥琵琶。爲是好春寒勒住釀成絲雨欲催花。

鶯聲帶濕。飛過小窗紗。

寄懷吳楚三

春去年年叫子規。愁心欲寄落花飛。相思萬里夢
斷故人違。窗外月明風弄竹。床頭燭暗鼠傷衣。
茫茫宦海回首是耶非。

其二

水漲春江江水長。獨教春老滯歸航。淒淒官舍薜
荔壓低牆。柳絮風輕粘恨白。梨花雨細濕愁香。
懷人懷國日夜費商量。

其三

悞矣儒冠惹俗塵半生疎懶學殷勤長江滾滾何處識迷津
燕市柳花能媚客蠶叢魑魅欲侵人
不堪輕說家爲一官貧

其四

老母年來白髮添黃河水又沒民田飄零弱弟謀食去長安
萬疊鄉心雙淚血日隨江水入狂瀾
愁人消息難與故人傳

其五

四月黃梅雨不開懶扶病屐破新苔慰人寂寞書與鴈飛來
落落遊仙君有句勞勞作吏我無才

知音絕矣怪道冷琴臺

時楚三寄有遊仙詩十二首

其六

記得重逢元夜時御溝柳挂雪絲絲相思說罷攜手覓燕姬
貫酒街樓呼月上看燈塵市喜更遲
於今別緒猶壓小愁眉

其七

賣賦長安文價輕歸與知子欲逃名故鄉丘壑無

處不怡情。

劍匣書囊行脚客，詩瓢酒碗在家僧。

黃山餘興肯一到青城。

時聞楚三方遊黃山歸

其八

聞道長安新酒壚，壚頭少婦喚提壺。知君醉倒笑
眼索相扶。我夢時尋君夢去，君魂曾見我魂無。
年來贏得羸羸病中軀。

寄答武林蘇月坡

魚子天晴柳弄烟，鼠姑風煖燕泥乾。西湖春色知
已滿，遊船好景入君詩。句裏別愁在我眼，眉前

相思多少，都落夢兒邊。

其二

細雨騎驢入劍門，勞人愁句好誰論。君今詩裏替
我早銷魂。遺扇乍看新墨汁，漬衣猶驗舊啼痕。
不堪回首宦味等秋塵。

予在蜀有細雨騎驢入劍門之句，月坡寄扇詩中亦有此句。

其三

到底文章讓大蘇，痛心何必哭窮途。青燈無恙誰
道不人如。三月柳花迷驛路，一船簫鼓在西湖。

天涯雖近那肯破工夫

原作有一箇王孫也不如之句

其四

畫鼓無情放早衙簿書終日擁喧譁一春惆悵辜

負好芳華

柳絮詩成人似玉

月坡夫人亦善詩

江海賦

就筆生花風流事業真箇讓君家

原作有纔拂印囊花氣滿三聲

衙鼓亦風流之句

其五

小坐幽窗雨乍晴風從花裏送鶯聲春光一片何處不關情
九里松邊新賦客黃茅崗上舊蘇生

紅榴花下記得酒頻傾

原作有月明記得安榴下手擘紅螯泛酒船之句

其六

烟柳空濛翠影浮半簾絲雨濕春愁山城斗大不忍縱雙眸
兄弟兩京悲斷鴈功名三十類蝸牛空囊依舊覺對故人羞

醉美人

上三句醉太平下二句虞美人

閨詞

臉花桃紅眉花柳鬆怕人猜著心忪推病和衣不起閉房櫳
酥雨香濃粉汗珠融那人花下相逢

記得兒郎作做。浣春風。

甘草子

秋夜

秋盡月冷窗虛。蕉影風前。鴈客邊聲。雙杵閨中韻。梅花紙帳燈凝。暈睡鴨。爐閑香欲褪。百種。妻涼心一寸。舊怨和新恨。

春晚

春晚簾捲樓空。柳弄烟絲。軟蝶翅。香忙燕尾。裁紅懶。雨妬風驕。花命短。都拋擲。遊人淚眼試問。

鄉心愁近遠。雲隱青山淺。

阮郎歸

春思

水晶簾影日偏長。花飄幾片香。漪漪新綠小池塘。鴛鴦浴一雙。凭繡榻。掩紗窗。怨春春去忙。含情無語費思量。教人暗斷腸。

春感

春風吹到小梅花。青回舊草芽。嫩寒剩有一些些。和春透碧紗。春夢短。客愁賒。年年春病加。空庭。

開自弄琵琶絃斷暮雲斜

咏白桃花

玉樣精神粉樣嬌。春心分外饒。武陵人去棹歌遙。相思顏色消。寒食近。落花朝。芳魂倍寂寥。渾疑晴雪被風飄。滿地徧瓊瑤。

夜坐避暑小亭上

簾紋如水拂藤床。碧窗明月光。醒來猶帶汗珠香。低聲道夜涼。初起態。睡餘妝。蟬紗白玉裳。含情移坐小亭傍。星雙入影雙。

感懷

花含宿雨柳含煙。為誰生可憐。鶻啼別路斷魂天。春心已惘然。小郭外。大江邊。徘徊憶往年。秦淮風月木蘭船。歸程路八千。

醉鄉春

閨怨

花影淡淡院。鳥語聲聲喚。試衣日。洗頭天。倍覺春愁歷亂。草剪縈心幽怨。柳弄牽情長線。幾許恨。幾多愁。天涯雖近人難見。

玉聯環

春遊

乍寒乍煥風還雨催春已暮偷閑信步過芳堤多
少淺山濃樹行到落花深處又惹愁無數人因
春好愛遨遊春却不因人住

畫堂春

海棠

傷春無力睡方濃鶯兒喚醒如慵胭脂暈臉日初
烘曉印霞紅不受梅花清聘芳心欲嫁東風東

風不解惜花容玉瘦香鬆

錦堂春

七夕

剪剪風來客舍纖纖月浸官樓人間今夕知何夕
天上會牽牛總是百年恩愛能成幾夜風流輸
他說誓長生殿世世結綢繆

春半

趁勢東風燕子弄寒夜雨梨花春光大半都歸去
人尚在天涯憶昔情長春短今年心促春賒倚

闌目送雙蝴蝶
隨意過鄰家
海棠春

咏海棠

限韻

日遲風暖春眠足
鶯喚醒未收妝
束倦態綠共頭
醉暈紅生肉
情淡半倚闌干
曲惹蜨抱芳心癡
宿小雨一番嬌似
弄胭脂浴
喜小園西府海棠重開

小闌干外薰風老
又報道海棠開了
香竊碧蓮輕
色借紅榴巧
花神欲使春重到
喚妃子華清睡

覺破我寂寥
心故把詩腸攪

山花子

春思

半捲湘簾倚繡床
等閑心事惱春光
花意闌珊人意懶
日偏長
鶯兒穿柳渾身綠
燕子銜泥滿嘴香
最是最撩人去處
斷人腸

春情

冷煖輕勻弄好風
杏花天氣殢人慵
無那鳥聲啼
不住客愁中
捲幙欲教春入夢
試衣始信瘦侵

儂又是萋萋新草色碧連空

秋熱

蓮粉初凋靜小塘柳絲如病怯流光書劒闌跚推
不去半堆床 八月西風猶帶暑三更玉露尚無
涼醉抱小鬟酣睡裏汗珠香

五日值雨

貫酒山城博醉鄉濛濛細雨濕端陽葉葉菖蒲凝
淺綠暗池塘 弱女臂牽長命縷病妻髻壓石榴
妝輸與鄰家紅袖舞鬧霞觴

荷葉杯

翠蓋擎來琥珀光露華清潤肺俱涼不讓疎狂杯
竹葉擅詩場 拚著如泥殘醉後醺人酒氣味猶
香試向枕邊私語處教偷嘗

眼兒嬌

登舟

途長春倦少年遊捨馬覓輕舟半篙碧水兩崖山
色一派芳洲 微風細雨滿船頭好景儘供愁幾
多離恨幾多別淚都付東流

苦熱

雲脚酣酣破夕醺，簾捲北窗塵。蜨翻倦粉，草凝蕙碧，花帶餘醺。
輕羅扇小團如月，無力敵南薰。竹床冰簟，雪肌玉骨，偎處溫存。

過楞伽菴弔亡姬墓

爲排閑悶作閑遊，翻惹許多愁。半林疎樹，幾聲哀鴈，一派殘秋。
可憐粉化香埋處，猶在殿東頭。斜陽衰草，黃昏清磬，斷送風流。

其二

依依愁見月黃昏，晚磬不堪聞。無邊落木，無邊衰草，何處招魂。
巫雲化作相思淚，記得舊溫存。前宵寵愛，昨朝離別，今日孤墳。

朝中措

初晴

黃昏院落雨初晴，月印露微明。烟被小寒，勒住秋虧，昨夜生成。
綠窗半啓珠簾，半捲獨坐，關情葉葉梧桐。蕭索無風，猶弄風聲。

美人早起

窺簾曙色一痕紅
晨露衰芙蓉
鸚鵡雕籠睡足喚
人夢醒心忪
含情強起扶頭雲
怯對鏡脂濃底
事神思散漫蛾兒
長鬪眉峰

美人晏起

半窗花影壓闌干
日上巳三竿
任被侍兒催促
人猶要思眠
起來無力眼兒
失睡情思厭厭都
是昨宵雨重今朝
尚怯雲酣

桃源憶故人

夜坐用朱希真韻

心頭何事攢成陣
春病春愁春恨
獨我少年窮甚
擊劒歌天問
夜深銀蠟寒生
暈蠟淚流紅
寒沁風信迎春欲盡
又是燒燈近

中秋雨

限韻

西風弄月吹雲暈
淡把廣寒圍困
一任笙歌聲盡
不散濃烟陣
三更官舍譙樓
近待月人成
淒悶信是蜀天難問
夜雨偏多甚

燭影搖紅

秋夜

夢短宵長床頭費盡蛩語弄寒窗外碎芭蕉陣
陣搖風雨鴈斷天涯信阻更蕭索心情幾許半
燈紅暈一盞香盡三通更鼓

十六夜雨中見月

爲問嫦娥道年紀今宵二八怎禁雲雨會瓊樓
颭風兒刮秋色朦朧一抹約羈客早眠竹榻梧
桐葉病芙蓉花瘦天工愁殺

柳梢青

咏新柳和汪禕初韻

葉上春生枝頭烟煖帶綠拖青漢苑斜眠章臺斂
恨一樣娉婷絲絲搖曳風輕弄晴弄雨弄鶯聲
折向長亭吹來短笛盡是多情

咏新月

玉宇瓊樓嫦娥睡起簾挂金鈎風裊烟斜雲鬆花
瘦弄影溫柔道伊解愛風流可念我天涯倦遊
嬌欲窺人防人窺見半面含羞

咏柳和朱丹山韻

細雨初鶯碧烟如夢喚醒春情醉眼渾慵愁眉微

斂別樣輕盈
絲絲舞送人行目斷處長亭短亭
惹帽青寒沾衣綠濕挨過清明

七夕後一日

前夜相思昨宵歡合今日分離
做雨心情搓酥滋味猶在腰支
縱然後會堪期眼下裏同誰畫眉
從此孤魂惟憑短夢只有燈知

極相思

晚霽

小庭宿雨初收霽色上簾鉤
女牆花覆遠山烟抹

一段新愁
石砌苔痕凝淺綠也懶去著屐閑遊
那堪更聽昏鴉幾箇噪柳梢頭

青陽臺夢

月夜

月明如水天初靜
瓊籠滿地梧桐影有人並倚小
闌干微風吹酒醒
相偎情更泥羞把殘妝重整
樓頭不覺已更闌誰道秋宵永

無題

披肩蟬翼纔初攏問餘情伴推不懂
嗔人嬌作乳

鶯啼羞臉紅潮湧
丁香教吐處道望蜀今思隴
鸚哥賺報有人來小膽還驚恐

人月圓

中秋同內人看月

一庭新綠桂花天
香撲小闌干
風鬟細細雲衣薄
薄月色娟娟
不堪回首宦遊落拓何處家園今
宵贏得愁中病裏人月團圓

月中看杏花

疎枝冷蕊瓊瓏影
香濕露珠勻
恍然人在水晶屏

底肉隱脂痕
風流此際惜花成癖
抱月銷魂
嫦娥也省春宵一刻真箇千金

惜分飛

悼亡姬

急急云歸歸已晚
紫玉竟成烟散
花命由來短
芳年二十纔初滿
寵愛雖淡緣分淺
負我一番青眼
作箇新詞挽聲悲
難付紅牙板

予歸署姬已先一日亡矣

其二

簾外芙蓉嬌醉臉
憶著當時覩
覩情淡知淚淺
癡

癡脈坐空亭晚 誰念相如渴更懶
忙裏偷擎茶碗 盼殺行雲眼
書床不復聞芳喘

其三

多病生涯惟藥裹 都付與樵青
課輸與風流貨薄情薄 倖予之過
今日歸來仍病卧 不見侍兒一箇
始信愁城大愁團 打破渾難破

其四

未是伊家緣分盡 到底我無伊分
芳心嗔又恨 半天不待人歸信
欲弔孤魂何處問 衰草祇園路

近一點腸剛寸 那能耐得千愁悶

亡姬厝於楞伽菴

其五

記得臨歧偷下淚 泣向小屏風
背道是離情 累誰知生死芳心會
漏永燈昏愁怎睡 顛倒已成憔悴
月下聞環珮 芭蕉窗外風聲碎

其六

簫局香銷良夜路 不抱衾裯來去
從此凌波步芳塵 斷絕蕭郎顧
荳蔻風情春幾度 楊柳已成秋
樹燈暈凝寒雨 關情是我難忘處

其七

秋夜偏長長不了未盡是歡娛少夢醒人踪悄新
寒官舍蟲聲攪蠟燭成花胎自小怎奈西風料
峭轉展心如搗鄰雞未肯啼清曉

其八

不是柳絲千萬樹別有繫人心處低把歌喉度櫻
桃憐解稱樊素夜半床頭蛩似訴軟語叨叨絮
絮我把風流負風流予被官場悞

其九

記得攏頭初斂黛猶作無知情態私向闌干外乞
憐偷折宜男戴進酒殷勤床下拜博我一時無
賴如剪西風快兜來剪斷風流債

其十

生愛花嬌兼柳寵自負是多情種翻被多情哄羅
浮人去餘香塚姬字梅英秋草萋萋烟月籠寺側荒
涼寒重死聽僧伽諷願伊早向蓮臺湧

西江月

夜感

官舍竹深月淺天涯裘敝風尖一樽薄酒欲盪寒
醉裏依然不煥堆榻稜稜衾鐵縈簾細細爐烟
漏聲點點自如年怕睡因愁夢短

聽濤

秋雨頓生新漲水風吹冷燈花濤聲激石近窗紗
聒耳驚心夜夜今夕知無好夢空教魂繞天涯
扁舟不渡夢還家醒後將愁畱下

春思

曉夢半隨芳草閑愁多惹飛花春心一片落誰家

都被遊絲牽挂寒食烟凝紫陌東風香撲窗紗
倚闌無語托琵琶欲弄情淡還罷

夜感

雨細三更濕夢風輕萬里飄魂夢魂落拓出孤村
不識長安遠近牆外疎鐘蕭寺枕邊畫鼓譙門
聲聲都是欲驚人眼醒燈生小暈

偷聲木蘭花

月下卽事和內人韻

雲影疎疎風力皺看秋月與人俱瘦十二闌干高

捲珠簾覺夜寒
芙蓉紅沁烟容淡
酒半醺時花
映面漏已迢迢
並坐雙吹紫玉簫

咏木筆花

花姨做出傾城韻
紫玉衣裳白玉襯
笑口爭開道
自江郎夢裏來
嬌姿惹得蜂鬚動
乍可芳心春色重
窗外輕盈偷寫東風一段情

滿宮花

竹影篩月碎

月夜明竹枝卧
點點影移玉座一輪明
月自團圓

被竹葉穿成幾箇
霎時兒挨得過
轉向空庭牆
角嬋娟依舊
整容顏霜姊風姨來賀

少年遊 第一體

病中對鏡

不是一汪秋水透
那識人消瘦半為多情半為多
愁翻自鬆衣扣
風風雨雨偏儂恁
怎的教人受
一枕揚州一夢蘇州
寂寞換清晝

秋思

悶來獨自倚高樓
簾捲小銀鈎
昨夜微風今朝細

兩做出一天秋
哀笳已動孤城暮
雙杵更悠悠
幾葉病梧數竿瘦
竹安頓許多愁

臘月十五夜月

今宵明月臘侵年
只剩此番圓
雲鬟玉臂霜粘霧
鎖分外覺嬋娟
盈盈不肯隨風落
畱照客床邊
若解多情柳梢依約
莫負賞燈看

苦熱

一天暑重火雲蒸
日影到窗櫺
倦壓繩床汗沾湘
簟小扇借風輕
相如病肺由來渴
况是熾心情

半晌朦朧幾番轉
展午夢未曾寧

少年遊 第二體

鴈背飛紅鴉翎剪
黑殘照半天晴
小院淡沉空亭
寂寞兀坐易愁生
眼前多是傷心地
不管客中情
羌管誰家巴歌牆外齊
作斷腸聲

河傳 第五體

寒食

春雨春雨釀成寒食
作使銷魂剪香燕尾
碎梨雲

重門欲黃昏
螺子遠山烟鎖住
東風路一帶傷
心樹杜鵑著意耳邊聞
愁人花飛減却春

醉花陰

寄懷靳華陽姊丈

柳花飛盡啼鵲悶
一向無書信
莫道不相思
日日相思轉轉都成恨
幾番夢裏尋君問
路又難
願認欲待不相思
怎奈相思兜的來
方寸

芍藥

廿四番風吹欲老
鶯度花期少
韋曲已無聊
多謝

東君又報花開了
胭脂肉暈新妝曉
扶起烟絲
裊何處不堪憐
香瘦魂清那禁蜂兒攪

閨情用漱玉韻

扶愁扶病支長晝
門掩閑銅獸
香氣撲簾櫳
一架薔薇薰得春心透
相思恐露人前後
有淚偷沾袖
最怕試羅裳
腰減圍寬覺
比年時瘦

南柯子

咏柳

愁黛彎彎畫輕黃
淡淡描倩烟倩雨
弄風騷怯怯

風前嬌舞小蠻腰
葉密藏鶯語絲長繫客橈綠
陰陰處酒帘飄最是離亭折贈欲魂銷

豔情和張雪邨原韻

簾挂蝦鬚影爐噴鵲腦烟泥人無賴弄牙籤檢得
春情詞子索題箋
托病佯粧態含羞慣乞憐相
攜相近繡床邊低語兒郎入月待宵眠

冬夜

疎竹篩纖月低牆覆野烟朔風剪剪夜漫漫正是
朦朧一片好誰看
簫局心香燼紅爐獸炭添愁

人坐向小窗前自把更籌數盡不成眠

三月三日遊昭覺寺

三月桃花水雨餘新漲寒爲修被禊到柴關偷得
工夫半刻學逃禪
梵語飛花靜鐘聲落照殘跟
踰扶醉整歸鞭一路馬蹄踏破草邊烟

清明

燕剪裁春水鶯梭織柳烟煖風遲日麗人天惟有
清明時候不禁看
非病還如病尋歡未覺歡沈
郎瘦矣怯春衫不信離情能使帶圍寬

久陰

雲鎖愁猶重花凝淚不乾
客中惱殺熟梅天
沒箇些兒晴意到人間
手倦拋書卧江喧
夢怎安起來斜倚小窗
前窗外亂山無數學眉攢

曉行

柳挂霜絲白山橫雲片青
淡烟扶日弄新晴
天外一行飛鷺點波明
景物原如畫行人自愴情
蕭條行李半肩輕隔水遙呼
漁父問旗亭

清明

紅謝桃花雨青搖柳葉風
杜鵑啼處血初濃
正是春烟寒斷錦城空
飲恨愁攢面吞聲
淚溢胸先人廬墓故鄉中
遙薦一杯濁酒哭儀容

晚行

霜印沙痕白雲籠曙色
紅半林禿柳石橋通天際
一行鴈影下迴峰
心繫離情裏身行圖畫中
可憐好景儘愁儂
盡日馬蹄得得苦匆匆

春陰

貼草烟絲薄窺窗曙影昏
不晴不雨柰何春
故把

花魂拘束惱詩魂
燕啄新泥潤鶯梭
翠柳分聲
聲喚客出柴門
又被簿書畱住
欲遊身

中秋微雨

桂影西風亂
蕉聲夜雨微
香雲濕籠兔兒肥
不使人間
欣笑見清輝
宦久渾無味
愁多夢未歸
三更猶自
獨徘徊
欲鬪嬋娟寂寞冷
沾衣

十六夜月

月是今宵月
圓仍昨夜
圓桂花香淺
露華殘
何事
閨中兒女
兩般看
鴈語遙天
斷蟲聲
玉砌寒
故

鄉○萬○里○落○荒○烟○愁○重○三○更○猶○坐○倚○闌○干○

無題

柳○惹○鶯○聲○嫩○花○撩○燕○語○忙○日○痕○如○線○界○晴○窗○些○子○
餘○寒○弄○煖○做○春○光○壓○臂○雲○鬟○重○勾○人○羅○襪○香○侍○
兒○帳○外○促○衣○裳○猶○帶○衾○窩○不○起○惱○檀○郎○

午睡

燕○掠○花○梢○雨○澗○翻○荷○葉○風○乍○晴○天○氣○漾○簾○櫳○日○永○
官○閒○無○事○自○從○容○竹○簟○清○無○暑○紗○厨○薄○似○空○枕○
書○抱○婢○睡○方○濃○惱○被○鳥○啼○驚○醒○眼○惺○忪○

咏矮脚雞冠

花發西風裏名因貌累身任教錯認入雞羣到底
不甘牛後乞憐人 態度生來拙猶羞作媚顰若
能趨得上東君肯讓天桃濃李亂春心

夜景

月黑江天合雲屯院宇冥遠山高挂佛龕燈半滅
半明不定一星星 何處巴歌急誰家羌管聲無
眠人起故園情寄語官樓畫鼓莫敲更

旅况

山遠雲籠樹風斜雨人窗閉門兀自有淒涼誰信
客途滋味宦途嘗 病使身常懶愁教眉更長鳥
聲無意近繩床叫斷遊人午夢不還鄉

雨晴

江上初過雨夕陽濕更紅遠山染就黛眉濃幾舍
漁邨疎柳淡烟中 竹纜斜牽水輕帆不受風舟
人欲泊說從容笑指綠莎沙嘴住孤篷

卽事

淡淡雲籠日疎疎雨弄花鶯聲扶困出窗紗坐倚

玉人妝鏡看堆鴉
黛印眉間綠
脂烘臉上霞
鈿
梁小螭欲飛斜
笑問今朝宜稱欲人誇

咏六蛾戲珠

出益州葉似繡球花大如碗色如白玉六萼皆狀似蛺蝶心簇粉珠一叢因其狀遂得名亦異種也

春色官衙滿
奇花絕域開
珍珠絡索出
香胎惹得
花奴圍住不飛回
蜂似曾相識
相看反自猜
莊生何獨宿
花臺豈是花神留
得作花媒

憶餘杭

寄懷靳華陽姨夫

風雨幾番春信早
客館淒淒春到了
嬌鶯小燕兩
三聲思君萬里情
西湖畫舫笙歌滿
柳柳花花
香徑軟知君挾妓醉
紅樓比我太風流

晚雨

春色欲晴天不許
黃昏又下絲絲雨
銜泥燕子溼
烏衣簾外一雙歸
阻人歡笑今無分
短晷長思
都是恨花心歷亂
向花前柳眼幾曾乾

偷聲瑞鷓鴣

雨餘

輕寒嫩煖鬪春華
草剪蓑腰小徑斜
雨餘山色一番晴
翠到窗紗
碧旗半捲芭蕉葉
紅玉先抽芍藥芽
官閑無事春來有
分可看花

雨中花

本意

花性生嬌春委曲
慣縱得香圍粉簇
羅皂微風吹來
小雨膏沐新妝束
知是華清初試浴
還掬水珠
侵肉粉隱紅潮
脂凝玉樹勾惹人心目

苦雨

梅子含酸酸未足
被老雨連纖釀熟
蝶斷芳踪蛙喧晨
夢到眼愁相觸
欲寄歸心江上舳
見萬里江天漲綠
客裏迴腸病中鄉
思日日如車軸

迎春樂

迎春

山城明日春來矣
簫鼓欲催春起看
春先遊春履滿路
東風羅綺真箇是
流炎似駛都落向
愁人眼底愧我相
隨牛後小坐肩輿
裏

其二

春風有信來青甸先惹出春風面土牛看罷爭官
看笑道官同牛賤八載裏奔馳成倦只贏得魂
銷腸斷脫取朝衣去典好醉迎春宴

立春

是日微雨

客中惟覺春來快都是東風無賴舊愁猶自畱眉
黛又惹新愁可柰不管那未完梅債先做雨弄
成柳態領取啼寒小鳥已把春心賣

其二

梅花昨夜飄多少臘裏東風來了濃寒尚壓征裘

曉新雨先沾舊草

打罷土牛歸署早春盤愁進

芹芽小拚得樽前一醉化作啼春鳥

尋芳草

秋日有懷和丹山韻

客裏西風驟吹教烟影和天瘦看千條衰柳都一
一挂相思蟬聲奏引得幾多愁便能壓我眉常
皺這秋來已自難消受更替箇擔儂憊

紅窗聽

聞鶯

雖則春愁原耐端的
是綠楊無賴惹得鶯兒多
事也來把相思賣
不管有人餘倦態叫斷了旅
魂歸夢草邊花外厭厭惜惜小病今番害

月魄

上三句憶漢月下二句醉落魄

豔情

限韻

蜨翅抱香輕
簸蜂嘴啞花狂作倚闌人
自爲貪看
不覺郎來悄並肩兒坐
回頭驚欲唾粉頰羞紅
無那脫身佯避小池邊
笑指鴛鴦道是多情貨

醉紅粧

咏榴花

薰風吹起杜鵑愁聲未盡
血先流紅痕舊住小枝
頭花一朵一聲休
碧紗窗暈曉霞浮
搖日影照
雙眸美人折得倚妝樓
猶記取濺袞羞

雙調望江南

卽景

限韻

風日煥浴罷
換春衫芳草綠粘人
並坐山桃紅映
臉初酣燕子結春緣
人行樂處多在小亭邊
笑拾
落花和酒呷靜翻新調
按箏彈今喜是官閒

卽事

鴉歸後枯柳挂輕烟人影踏殘芳草徑月明照徹
欲霜天佳趣小亭邊乘興裏坐石不知寒舊事
記來呼大婦新詞度得付嬌鬟倚徙已更闌

賣花美人

上三句賣花聲下二句虞美人

咏蠟梅花

蜂老蜜初乾誰捻爲丸梅花風韻菊花妍應是玉
兒病也瘦厭厭貼額小花鈿宮樣新翻淡黃一
點暈眉間笑口淺含香舌吐紅尖

咏繡球花

阿夢好團團落在花邊一窩香雪一窩烟縱有芳
心多少柰春攢正是打球天燕語鶯喧小風弄
玉白掂掂道似梅魂簇做粉按圓

賣花聲

送別

春色滿芳洲送客江頭新鶯小燕訴離愁兩岍柳
絲千萬縷不繫歸舟碧水自悠悠依舊東流片
帆飛去暮雲浮道得一聲珍重也哽咽咽喉

夜景

簾外月初彎。夜色漫漫風搖竹。葉影闌珊。一抹翠烟歷亂也遮斷。寒山更好箇。晚涼天不耐。愁看客思。未了。又更殘。今夕明知無好夢。空徧闌干。

遇雪

風緊雪漫漫。冷壓雕鞍馬蹄蹀躞。更闌跚。千朵梅花團一朶。繡滿征衫。雲幕四垂天慘淡。衰烟遠村遠。樹有無。間聽得雞鳴犬吠。處料可停驂。

其二

萬木盡凋殘。無限關山倦遊。匹馬覺行難。正是離愁。愁愁不了。雪又漫漫。疎樹抱昏烟。凍合溪灣北風何事。騫無端。天上梅花開獨早。飄滿人間。

影

鏡裏問真容。省識春風恰。憐學步。月明中。半在瑤堦。行未穩。半隱梧桐。剪燭莫匆匆。燭盡誰同分。明欲認。却朦朧。魏紫姚黃。貶眼處。色本成空。

惜別

離別正花朝。黯黯魂銷。長亭弱柳綠千條。不解繫

人驄馬住空拂河橋
天路自迢遙我獨勞勞何
堪風雨又蕭蕭帽側雨珠眼裏淚同滴征袍

客路

客路困人天重覺厭厭坐來馬上只思眠合眼剛
教如有夢駭步艱難
芳樹抱烟巒總是愁端長
亭春色好誰看鴈自歸飛人自去淚濕征衫

卽景

午夢醒來慵小坐亭中一襟涼思半窗風雲帶雷
聲飛過處雨陣淙淙
日影淡還濃花氣如烘片

時好景入簾櫳雨過夕陽紅濕也遠樹晴峰

夜宿卽事

寒夜宿孤村破屋無鄰竹牆四面被風侵月影欲
來薄被裏忒煞相親
抱月不温存弄月銷魂吟
風終夜夢逡巡風月詩人今日箇風月勞人

咏金絲海棠

風信斷韶華春落天涯南薰吹煖弄奇葩鬚吐金
絲香欲動黏住蜂牙
舞袖換紅紗入道宮娃額
黃貼出斷腸花嬌倚闌干扶不起恨在誰家

夜行收漢州印

剖面北風寒夜路漫漫宦遊於此見波瀾輸我獨
勞人一箇斜坐征鞍馬嘯虎腥羶村戍更殘柴
門處處鎖昏煙婦子繩床酣睡裏心與身閒

小病

曉夢一聲鶯春事堪憎柳花烟草太愁生小病渾
身推不去寒重衣輕淚眼鎮盈盈負矣鴛鴦盟風
流贏得作虛名早識多情多恨也何不無情

無題

閑卧讀書床晝掩紗窗悄聲私語襲脂香故意嗔
人情分薄羅皂檀郎交頸說衷腸要學鴛鴦白
頭兩兩只雙雙翠幌玉鈎搖不定汗浥紅裳

馬上作

行路古來難蜀道青天西風匹馬壯心寒斜棧危
梯千百尺直礙雲烟蹀躞更闌珊莫問平安猿
啼虎嘯總堪憐一箇愁人殘照裏腿折腰酸

上灘

水漲弄狂瀾石吼江翻灘聲人語亂爭喧竹纜繫

船船立起直欲登天 絕岸泣哀猿腸斷心酸能
教壯士胆俱寒到晚泊船方可信今日平安

鷓鴣天

病裏

病裏心情倍可憐 試衣始訝帶圍寬 綠楊已鎖眉
頭恨 青杏猶含眼角酸 無一語 凭闌干 厭厭鎖
印 思眠生嫌小婢頻催飯 尚怯東風欲透衫

春怨

無賴東風儘力吹 天涯二月落花飛 鶯啼弱柳驚

朝夢燕墮香泥浣客衣 紅已瘦綠偏肥 等閑心
事亂春暉 遊絲最是無情物 絆住遊人未得歸

渝城元日

到處飄零自可憐 東川風景異西川 官衙淺聽巴
人唱 客舍寒虛爆竹烟 仍舊恨 度新年 敝裘破
帽尚依然 愁隨遊子來千里 春與梅花在那邊

春夜卽事

夜色飛來到碧窗 小簾四面捲瀟湘 露珠冷裛烟
如濕 花氣晴薰月有香 消恨短 引杯長 閑將玉

笛惱宮商一聲聲是相思調都爲春風在斷腸

夢回

畫角寒城夢裏聞夢回猶是未歸人去來雲弄紗
窗月明滅燈窺紙帳身 蛩斷續鴈浮沉今宵打
疊盡銷魂試看枕上愁多少新淚重沾舊淚痕

晚渡潼江

疎樹鴉歸暝色喧行人猶自渡江邊團來野霧山
飛去扶出漁燈月弄寒 波渺渺夜漫漫短篙無
力意遷延恐他今有離魂者不敢高聲喚渡船

元夜瞻先大夫像

風木餘悲十五年宦途潦倒益淒然夢中昨夜聞
嚴訓畫上今朝見笑顏 千百跪勸加餐一杯濁
酒幾曾乾猶思當日懸燈夕竹馬騎時繞膝看

擬豔

小髻初攏楚峽雲羞潮漲臉欲嗔人蜂鬚唐突蓄
薇血蜨翅溫存豈惹春 淡做態淺含顰嬌啼軟
語總堪聞謾教夜夜闌干曲負却花梢月一痕

卽景

隱隱雷聲鬪火龍
火龍戰退入雲中
孤亭消受千峰雨
小榻擔承四面風
蕉葉碧藕花紅
懸簷吼瀑亂淙淙
甫能潤得襟懷爽
獨引簫吹晚籟空

擬豔

二月花梢荳蔻芳
風流初解愛新粧
經春多病惟貪睡
見客含嬌學勝常
鞦韆鳳小黛螺長
儘教人看却羞郎
正憐紫燕雙飛處
催繡生嫌是養娘

虞美人

落花

不鵬叫得春歸去
花淚飄紅雨
芳心歷亂恨如烟
一任東風吹落在誰邊
胭脂滿地無人掃
狼籍知多少
只除燕子太風騷
銜取香泥幾點壘新巢

咏虞美人花

年年解向東風舞
寫出興亡譜
花開花謝總成愁
畱得血痕滿地倩誰收
美人不改花顏色
依舊名如昨
任他零落委堦前
也勝漢宮楊柳日三眠

咏花影

天教月姊驕花性
故爲懸明鏡
花神鏡裏弄新粧

照見自家模樣喜無雙
依稀倩女離魂也環珮
來堦下一枝綽約不勝春
恨被片時雲雨損精神

咏落花影

紅顏斷送青春裏
片片春休矣多情日色解留春
放出寫生妙手爲傳真
霎時吹去東風急依舊
無留跡蜂媒蝶使浪猜疑
空自堦前相逐惱相持

清明

杜鵑聲裏春無主
柳眼花心苦一天風雨一天愁
化作血痕淚點洒荒丘
故鄉萬里長安道有墓

憑誰掃可憐最是宦遊人
貫得芹羹邨酒欲招魂

咏虞美人

美人多少成黃土
幽恨埋千古虞兮化作馬蹄塵
畱得一腔熱血付花神
年年開向東風裏點綴

春如綺等閒兒女是英雄
兒女情長於此識重瞳

風雪慢

曉寒口占

鄰雞破夢曉酒扶頭欲起
又還成懶總把衣裳烘
熱也怎抵得被窩中煖
烟暗村遙雪凝路滑馬

瘦蹄行忒緩心急一鞭催未了凍手已呵幾轉

擷芳詞

春情

寒初褪煖還嫩日長做得人扶困雨休作風休惡
畱取花枝莫教催落鶯須早花須好鶯花能慰
愁多少春無賴人無柰年年多病耽了風流債

玉樓春

閨情

淡院黃昏愁幾許闌干凭煖渾無語綠楊新瘦鬧

鴟兒芳草初肥憐杜宇
滿地落花誰是主相思
目斷悲吳楚願將珠淚托東風吹向陽臺成暮雨

小亭落成漫賦

客中沒箇安愁處鎮日身同愁共度偷分薄俸築
茆亭酒債由他償不去
當窗山色斜陽暮抱霧
吞烟墻外樹可憐惟有夜眠時依舊愁城畱夢住

卽席

夜容如沐秋凝翠月色懸冰寒欲墜蓼蓼羯鼓爲
催花花枝醒眼看人醉
醉翁今作司花吏塵戰

酒兵都已退兒童久被困魔欺猶問殘更淡也未
咏美人剖蓮

今早乘橈過別浦爲蓮生子爭先取初破嬌房碧
有香親將玉碗分冰乳恐郎病熱難消暑脈脈
淡情都幾許爲問因何不去心教人解道其中苦

人日

寒梅數點飄香雪報道春回人勝節花因有信意
先舒鴈爲將歸聲更咽微風細雨空淒切天氣
惱人渾未徹春心一任委東君從此春愁愁不迭

春遊和張五修韻

錦城晴色烘春樹酒店青帘寒食路玉驄嘶破杏
花天油壁碾殘芳草路鶯聲偷把新腔度燕語
低將離恨訴韶光最易惹愁人客眼鄉心無盡處

牡丹

闌干十二東風倚大半春光都去矣一枝凝豔鬧
春紅香欲扶教春睡起好拚顏色酬知己難得
鍾情情下死傾城誰道是名花負却風流惆悵裏
偶成

無才到處輕飄泊不獨有家歸不得錦江勞吏滯
渝江客裏而今重作客 宦囊雖窄詩囊濶酒思
偏多情思惡一鈎斜月挂塗山照見愁人珠淚落

七夕

仙槎欲渡靈風送銀漢無聲波不動人間小誓結
三生天上多情畱一夢 半宵那補經年空怪道
兩情山樣重可憐羿妾悞偷丹良夜而今誰與共

瑞鷓鴣

春盡

殘春光景殢人愁簾捲瀟湘上玉鈎花被雨凌飄
作淚絮因風蹴結成球 蜂綠蜜熟身先瘦蜨到
香消飛也羞無柰東君畱不住惟畱餘恨壓眉頭

佳人

限韻

厭厭病起懶精神粧罷猶憐不稱春淺黛描來蛾
子綠小唇點出洛兒殷唇名 印香信步穿花影期
約凭闌刻月痕一片心情無處著凝眸望斷楚江

雲

人日 是日雨

東風依約到天涯
先惹殘梅上額兒
猶弄舊寒慳
柳葉未將新煖熨花枝
芳塵吹起迷春鎖
細雨飛來溼酒旗
謾道人歸落鴈
後鴈歸人只沒歸期
南鄉子

秋夜

羈客獨無聊
窗上風吹破紙條
攪夢攪愁還攪淚
芭蕉幾葉颼颼自在搖
蛩語絮叨叨
柝又頻催
鼓更敲
何處斷腸遊蕩子
吹簫一派秋聲鬧
此宵
立秋

暑氣未全消
燕子思歸客
夢遙細雨斜
風秋到了
蕭蕭一葉梧桐特地飄
魂斷識今朝
我更無魂
何可銷
最是關情窗外綠
芭蕉颼颼猶將鄉恨招

春雨

花信徧晴郊
弄得春光特地嬌
一片飛來巫峽雨
瀟瀟趁著香風過小橋
嫩柳女兒腰
俊眼偷將
淚欲拋
帶濕鶯聲啼不住
交交未許輕塵裛客袍

春莫

花氣襲鶯喉
叫得春光歸始休
簾外落紅風不定

悠悠一片飛來一片愁
錦水日東流不放孤帆
下益州故國雲山何處是
凝眸烟草茫茫天盡頭

寒夜

窗外雨濛濛寒戰簾旌拍拍風燭暈欲凝猶弄影
搖紅寶鴨香添小篆濃
欲睡意還慵愁重明知
夢不終夢短不如無夢好
吾儂坐待僧敲五夜鐘

晏起

曉日射重簾竹影篩風弄哨寒人爲怯寒嬌不起
厭厭猶要衾窩半晌眠
侍女促粧奩報道輕霜

葉上乾簫局烘衣薰欲透香添兩點秋山一鏡圓

其二

日午乍辭床猶覺新寒壓曉粧呵筆點融螺子綠
端詳眉與遙山鬪短長
腰弱不勝裳倦態欹斜
玉鏡傍嬌眼微重無氣力
嗔郎今夜休如昨夜狂

咏美人四影詞 限韻

月影

月底鬪精神花淨瑤堦印小身一抹輕烟篩幕歷
氤氳仿佛婷婷倩女魂
到地恨長裘遮却弓彎

錦襪痕行盡闌干十二曲。蕉陰未許。姮娥步後塵。

水中影

水面鏡兒平。整髻人貪照臉明。波底秋波應更好。盈盈迴避紅魚。羞復驚。相對悟前生。疑是湘江鼓瑟靈。不爲癡情撈月去。閒情要與鴛鴦卜舊盟。

燈影

人倚小屏山。坐背蘭缸卸翠鈿。玉掌犀梳蟬翼動。雲鬟隱約香溫在那邊。同病瘦堪憐。伴著吾儂怨夜闌。待得郎來歡入夢。爭先春色平分也索拚。

鏡中影

國色信無雙。鏡裏人窺鏡外粧。宜笑宜顰相對問。商量分得儂身。蘭蕙香。寄語粉何郎。要算佳人第二行。若使除他除却我。端詳此外誰稱窈窕娘。已卯初四日立春爲妻作生日。

春色壓粧臺。今日東風特地來。吹颺繡簾香不定。紅梅似爲伊家。一夜開。鴛股小雙釵。情滿心頭酒滿杯。負累嬌柔萬里外。相隨典却朝衣也合該。

咏白桃花

花信到花朝。一樹春深玉洞饒。粉樣女兒雙笑靨。
妖嬈不著胭脂分外嬌。最可月明宵。幾倍精神
襯柳條。怕是東風扶起後。情苗輕薄還同柳絮飄。
鵲橋仙

惜別

草冷粘霜天昏欲雪。正是圍爐時節。無端門外馬
長嘶。驀地裏催人離別。衰柳疎烟荒亭古驛到
處魂銷愁絕。縱然一步一回頭。又耐耐雲山千疊。

七夕前一夕

一天雲影都含雨。意欲落又還不落。天孫擱淚數
佳期。明日西風應有約。絳河縱限燈花已卜剩
有這宵寂寞。拚他索性不成眠。坐待駕橋烏與鵲。

七夕

雲衣紗薄月鈎危。小打點煖迎寒送。一宵恩愛欲
填河。三百日相思如夢。離情且慰似年長夜好
補經年別空人間。更鼓莫頻催恐惹起天雞晨弄。

其二

風期月約雲情雨。意都在今宵。此晤人間兩兩笑。

天孫真箇是有朝無暮
長干賈客章臺遊子孤
殺紅樓少婦牛郎借口笑人間不及我一年一度
七夕後一夕

方收舊恨已成新怨
裏一宵過也不如不
多情省得年年別淚
灑碧天如水銀河似練
須又守一年寡美他神女
慣私奔朝朝暮暮陽臺下
閏七夕

碧搖蕉月香團桂露
另是這番鋪襯安排
今夜細商量二萬通錢
償怎盡殘更遞促雞
難作美後

會那能又近芳心到此
費周詳願一世一年一閏

其二

別離未久相逢又在
膩雨桂花香裏朦朧
纖月漏雲端透出一
痕眉上喜有人今夕
闌干倚徧應是芳魂
銷矣風流兩度讓天
孫惟我孤眠猶若此
醉落魄

戲寄武林李弘載

寄書時候正又是別
君時候休文多病還
依舊兩風風冷沁紗
窗透相思恨逐黃河
溜相思夢

瘦
被西湖誘孤魂繞福孤山後生受梅花打疊霜姨

其二

畫眉時候可也念談心時候風流聞道非同舊錦
帳鴛鴦一點胭脂透 牙籤惹亂金釵溜春風多
被梅花誘雨雲朝暮巫山後怯怯書生應比年時
瘦

楊花 限韻

楊花力弱當他不住春風惡飄零到處穿簾幙十

二紅樓難駐陽春脚

悠悠飛過粧臺角玉人兜

起相思著輕吹教去天涯落爲問遊郎爭似伊輕

薄

踏莎行

送春

瘦綠迷烟病紅泣雨春心一點難畱住問春何事
苦匆匆來能幾日忙思去 楊柳新溪綠花古渡
可憐春去無尋處黃鸝不忍放春行隨春飛過相
思樹

其二

百計留春留春不住含愁只索由他去捲簾無語
送春行倚闌日斷斜陽樹花落殘紅柳飄香絮
茫茫不見春歸路叮嚀蜂蝶亂紛飛看春今夜歸
何處

有感

敗葉凝紅遠山橫黛畫圖歷徧都無柰從來酒債
只尋常如今更欠風塵債虎嘯平沙鴻飛絕塞
飄零剩有金刀在烟雲盡處是天涯行人今住烟

雲外

春暮

鶯老吞聲蝶酣飲恨晝長病起新扶困可憐能有
幾多春如何盪得因循甚風掃紅淡烟凝綠暈
年年未有看花分春來我又向天涯我來春又歸
將盡

春景

做煖烘晴將寒釀雨春來天氣渾如許桃花人面
點脂痕柳絲裊帶拖金縷鶯度新腔燕傳柔語

踏青喚出尋芳履秋千挂處粉牆低東風吹起遊
春女

春感 限韻

燕子舌尖鶯兒嘴佞却教說亂東君性桃花羞自
嫁東風紅顏拚得厭厭命 院宇深沉闌干斜凭
重門剝啄輕相聽賣花人叩買花屏惜花人害傷
春病

咏茉莉

粉借何郎香偷韓壽開時正是殘粧後分明玉骨

認梅花水肌却比梅花瘦 露裛魂清月撩香逗
佳人摘罷還重嗅夜來枕畔弄香風薰醒宿酒生
憊憊

中秋卽事

碧幙烟垂湘簾雲織西風欲捲吹無力宦遊人更
起相思廣寒人更無消息 桐葉青寒桂月香溼
三更雨又瀟瀟滴人間今夜正團圓姮娥天上餘
孤泣

憶別

手熨鞭寒衣凝淚涼酒帘帶雨扶烟動非關馬瘦
覺邨遙壓鞍愁有千千重 今日相思昨朝斷送
前宵衾枕會無縫叮嚀野岫去來雲莫教遮斷來
回夢

元夜

得妾字

月影扶燈燈光弄月罅燈淡月都奇絕一天夜色
惱遊人如何肯放今杯歇 醉態堆床春心倚妾
非關疎懶耽杯竿不須火樹與銀花冷曹贏得清
涼節

舟中作

石瘦稜稜水肥森森灘聲兩耳千軍攪船頭壓破
浪花開浪花濺濕征衣了 別路淒淒離情悄悄
強將濁酒澆懷抱一杯酒尚未會乾蘭橈已過層
山小

其二

細雨成秋微風鳴籟打船波起聲泠泠飛鴉夾岸
送行人行人更比鴉飛快 遠樹雲昏
青山萬點如攢黛前生結下畫

中饋

弔亡姬梅英

俄頃生離頓成死別。一官悞我風和月。歸期遲了。
半天程。羅浮夢斷芳魂歇。茗碗茶寒。爐香烟滅。
愁來何處尋歡悅。非關薄倖。是東君相思欲訴。啼
猿咽。

春景

桃雨零紅柳風吹綠。東君消受烟花福。蝶衣舞徹。
舊時香鴛。喚歌盡新春曲。好景雖賒。好懷難續。

豔陽不入愁人目。當窗重疊。是遙山兩眉。更比遙
山蹙。

夜郎感懷

樹被烟粘山將雲礙。眼前都把愁分派。一天雨結。
一天秋。連朝病爲連朝害。秃筆無鋒。寶刀不快。
囊羞怎與羞遮蓋。人踪盡處。是蠶叢夜郎。又在蠶
叢外。

小重山

雨夜

雨逼寒更出麗譙無端閑懊惱綴心苗燭花影碎
被風搖秋已盡聲尚鬧芭蕉料得水平橋山頭
歸路滑更迢迢愁人真箇是今宵縱有夢也自枉
勞勞

鞦韆

庭院深深春色嬌一梭紅帶子出花梢瑤臺仙子
半雲霄來往處鬢溜金翹著力損纖腰怎禁
春困重倦無聊羅衣不耐汗香飄人去後空影自
搖搖

初春

悄地春回爆竹中殘寒些子箇帶簾櫳鞦韆挂出
小樓東人如
翫芳蹤好景可誰同病懷
禁不得客愁濃厭厭乍覺倦還慵人日近吹起落
梅風

偶成

做煖矜寒欲柰何不知春事短剩無多杏花如雨
曉風按雙燕子銜去補香窩柳帶拂晴波鞦韆
飛不起碧裘羅冶遊看又早蹉跎心緒懶春病著

春魔

春感

正月桃花開滿城錦江花事早倍關情東風吹起
一聲鶯寒猶在新柳帶烟輕獨我太愁生宦遊
逾八載尚無成看花眼裏淚縱橫思親切萬里暮
雲平

曉霜

誰弄楊花十月飄凝寒薄似雪勒梅梢一痕紅淡
日初高人睡起窗影凍芭蕉漠漠塞天遙偷粘

征鴈背下江臯獨憐衰草舊征袍禁不起青女幾
番驕

上元

細雨初晴夜氣濃可憐一片月影朦朧荒涼官舍
萬山中巴子國雜遝盡蠻童沽酒莫教空驅愁
惟賴此遣吾儂不如索性閉簾櫳凝眸處不與故
鄉同

十六夜

夜月依然昨夜同今宵人不似昨宵濃柳開眼

怯烟封秋千院吹起落燈風
攪夢怪村童
些子箇尚蓼蓼惹教愁思駐
愁容眉尖上新舊幾
重重

凝香集

卷之二

